



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU POLITIČKE STRANKE UDAR LJEVICE

Broj: 03-07-6-246/19
Sarajevo, 22.07.2020. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	5

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja političke stranke UDAR LJEVICE za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je politička stranka UDAR LJEVICE prekršila odredbe člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke UDAR LJEVICE za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka UDAR LJEVICE se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	290,00	100,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	290,00	100,00
II	Ostali prihodi i drugo	0,00	0,00
	Izvori finansiranja (I+II)	290,00	100,00

U godišnjem finansijskom izvještaju stranka je iskazala rashode u ukupnom iznosu od 149,30 KM.

2. PREDSTAVLJANJE POLITIČKE STRANKE

Naziv političke stranke: Udar ljevice. Skraćeni naziv: Udar ljevice.

Politička stranka Udar ljevice registrovana je kod Općinskog suda u Sarajevu, rješenjem broj: 065-0-F1-14-000016 od 02.06.2014. godine.

Sjedište političke stranke je u Sarajevu, Alipašina 105a.

Lice ovlašteno za zastupanje stranke je Nedim Šakić, predsjednik.

Lice ovlašteno za finansijske izvještaje za 2018. godinu je Samir Čolaković.

Prema podacima iz godišnjeg finansijskog izvještaja za 2018. godinu, politička stranka UDAR LJEVICE nema niže organizacione dijelove stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke UDAR LJEVICE za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao

izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja političke stranke UDAR LJEVICE obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja političke stranke UDAR LJEVICE izvršeni su u periodu od 2014. do 2017. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je Izvještaj o pregledu sa mišljenjem revizora, nalazima i preporukama stranci: da u finansijskim izvještajima navodi svoje niže organizacione dijelove i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa odredbama Pravilnika o godišnjim finansijskim izvještajima političkih stranaka.

5. NALAZI I PREPORUKE

5.1 NALAZI

Politička stranka UDAR LJEVICE prekršila je odredbe člana 12. stav (4) Zakona o finansiranju političkih stranaka¹.

Politička stranka UDAR LJEVICE je godišnji finansijski izvještaj za 2018. godine podnijela nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Uvidom u službene evidencije, utvrđeno je da je politička stranka UDAR LJEVICE godišnji finansijski izvještaj za 2018. godine podnijela putem aplikacije FI CIK BiH dana 18.09.2019. godine, te da je odštampane i ovjerene obrasce godišnjeg finansijskog izvještaja u PDF formatu dostavila Centralnoj izbornoj komisiji Bosne i Hercegovine 20.09.2019. godine.

5.2 PREPORUKE

Preporučuje se političkoj stranci UDAR LJEVICE da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijske izvještaje podnosi u zakonom propisanim rokovima.***

¹ Do 31.03. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine. Rok za podnošenje godišnjeg finansijskog izvještaja za 2018. godinu bio je 31.03.2019. godine. Odredbama člana 3. stav (1) Pravilnika o godišnjim finansijskim izvještajima političkih stranaka propisano je da političke stranke podnose Centralnoj izbornoj komisiji Bosne i Hercegovine godišnji finansijski izvještaj za svaku kalendarsku godinu u elektronskoj formi putem aplikacije FI CIK BIH, te da potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izbornoj komisiji Bosne i Hercegovine i u čvrstoj kopiji.

KOMENTAR:

U ostavljenom roku, politička stranka UDAR LJEVICE dostavila je primjedbe na mišljenje revizora i nalaze revizije date Preliminarni izvještaj o pregledu godišnjeg finansijskog izvještaja za 2018. godinu. Politička stranka je navela da je godišnji finansijski izvještaj za 2018. godinu predala Centralnoj izbornoj komisiji Bosne i Hercegovine u zakonom propisanom roku, da je greškom godišnji finansijski izvještaj dostavila na obrascima postizbornog finansijskog izvještaja 2018. godine, ali da su u izvještaju obuhvaćeni svi podaci o poslovanju u 2018. godini.

Imajući u vidu odredbe člana 3. stav (1) Pravilnika o godišnjim finansijskim izvještajima političkih stranaka kojim je propisano da političke stranke podnose Centralnoj izbornoj komisiji Bosne i Hercegovine godišnji finansijski izvještaj za svaku kalendarsku godinu u elektronskoj formi putem aplikacije FI CIK BIH, te da potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izbornoj komisiji Bosne i Hercegovine i u čvrstoj kopiji, Služba za reviziju nije mogla uvažiti primjedbu političke stranke na mišljenje revizora i nalaze revizije date u Preliminarnom izvještaju o pregledu godišnjeg finansijskog izvještaja za 2018. godinu

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić